

## CONVOCATORIA PA LA SELECCIÓN DE PROPUESTES D'ACTIVIDADES DIDÁCTICAS Y LÚDICAS Y POSTERIOR PROGRAMACIÓN EN DELLOS EQUIPAMIENTOS DEL PRINCIPÁU D'ASTURIES

### EL PROYECTU.

La Sociedá Pública de Xestión y Promoción Turística y Cultural del Principáu d'Asturies (d'equí p'arriba la SPXP), amás de tener encamentada la xestión de dellos equipamientos culturales, turísticos y deportivos de la rexón, tien ente los sos fines la prestación de tou tipu de servicios pa la promoción del sector y actividaes turístiques y culturales del Principáu d'Asturies.

Estos equipamientos, amás d'ufiertar una programación recurrente, promueven un programa d'actividaes especiales coles mires d'atraer públicu nuevo y ufiertar actividaes novedoses al públicu recurrente.

La SPXP plantea esta convocatoria d'actividaes didáctiques y lúdicas con un doble oxetivu: d'una parte, dar a conocer el trabayu de profesionales de distintos ámbitos como la ciencia, la historia, la lliteratura, les nueves tecnoloxíes, l'arte, el deporte, la salú, etc. y d'otra, averar mesmo a los ciudadanos asturianos qu'habiten na redolada d'estes sedes, que a los turistas, una programación d'actividaes didáctiques y lúdicas de calidá dirixies a públicu de toles edaes.

Pa cumplir esti oxetivu realízase la presente convocatoria por aciu la que se van escoyer delles actividaes de distintes tipoloxíes promovies por profesionales de distintos ámbitos.

A partir de la selección va conformase un llistáu d'actividaes didáctiques y lúdicas que va servir de base pa la programación en distintes sedes del ámbitu de la xestión de la SPXP o nel marcu de dalguna de les acciones que programe (Día d'Asturies, Selmana de Les Lletres ...)

Pretende xenerase un abanicu diversu y representativu del máximu númberu posible d'actividaes distintes.

Les sedes que van poder acoyer les actividaes oxetu d'esta convocatoria son les siguientes:

- Llaboral Ciudá de la Cultura (Xixón)
- Muséu del Xurásicu d'Asturies (Colunga)
- Parque de la Prehistoria de Teberga (Teberga)
- Centru d'Arte Rupestre de Tito Bustillo (Ribeseya)
- Cuevona d'Ardines (Ribeseya)
- Centru del Prerrománicu Asturianu (Uviéu)
- Muséu Etnográficu de Grandas de Salime (Grandas de Salime)
- Estación d'Esquí Fuentes d'Iviernu (Ayer)
- Feria Internacional de Muestras de Xixón-FIDMA (Xixón)

Tamién podríen escoyese determinaes acciones que formaríen parte de la programación de feches especiales y que la so celebración va realizase en distintos conceyos, por casu:

- El Día d'Asturies
- Día de la Llingua Materna
- Selmana de Les Lletres
- Día de les Ciencies Asturianas
- Reguerada Fest

### **1.- OXETU DE LA CONVOCATORIA.**

L'oxetu de la presente convocatoria ye la selección de dellos proyectos pa la posterior programación de distintes actividaes didáctiques y lúdiques que van ser realizaes nes distintes sedes onde la SPXP desenvuelva la so actividá cultural.

Con esta iniciativa pretende complementase les programaciones habituales de los equipamientos culturales, turísticos o deportivos xestionaos pola SPXP a partir de la contratación de delles actividaes que se van incluyir na programación añal, mesmo qu'atender posibles necesidaes que puedan surdir nel marcu de la organización d'actividaes especiales tales como la Selmana de Les Lletres, el Día d'Asturies... y que van tener llugar en distintos conceyos del Principáu d'Asturies.

Por aciu la presente convocatoria establécense les bases y requisitos que van rexir la mesma, mesmo que'l procedimientu pa la selección de les actividaes o propuestas que van integrar esti llistáu al respective de los principios de publicidá, llibre concurrencia y oxetividá.

### **2.- PUBLICACIÓN Y PUBLICIDÁ.**

La presente convocatoria y bases, mesmo que la resolución del procedimientu, van ser publicaes na páxina web de Asturias Cultura en Rede: [asturiesculturaenrede.es](http://asturiesculturaenrede.es) ensin perjuiciu de los medios complementarios d'espardimientu que la SPXP valore utilizar.

### **3.- SOLICITANTES.**

Van Poder participar na presente convocatoria les persones físiques o xurídiques qu'axunten los siguientes requisitos:

- Desenvolver la so actividá principal nel ámbitu de la investigación o programación d'actividaes culturales, didáctiques, educatives y artístiques.
- Tar al corriente de les sos obligaciones tributaries col Estáu y cola Comunidá Autónoma del Principáu d'Asturies, lo mesmo que de les obligaciones cola Seguridá Social.

- Tolos interesaos tienen de tar daos d'alta na Seguridá Social y nel epígrafe correspondiente del Impuestu d'Actividaes Económiques y acreditar la solvencia técnica riquida antes del entamu d'actividaes en casu de que'l proyectu resulte escoyíu.

## CARACTERÍSTIQUES DE LOS PROYECTOS QUE PUEDEN CONCURRIR A LA PRESENTE CONVOCATORIA

Les característiques qu'han d'axuntar les propuestas son les siguientes:

**XÉNERU:** Los proyectos van poder tratar sobre cualesquier disciplina o temática: lliteratura, arqueoloxía, etnografía, patrimoniu, xeografía, moda, astronomía, inxeniería, nueves tecnoloxíes, ciencia, arte, historia, deporte, salú o nutrición, música, artes escéniques, danza, naturaleza, gastronomía, cocina, bioloxía, xeoloxía, mediu ambiente, sostenibilidad, etc.

**PÚBLICU OXETIVU:** Toles edaes (los proyectos nun tienen que s'adaptar a una tipoloxía de públicu determinada)

**TIPOLOXÍA:** Van tener cabida tou tipu d'actividaes didáctiques, educatives y lúdiques susceptibles de ser programaes en centros culturales o na cai tales como talleres didácticos, cuentacuentos, clubes de llectura, visites temátiques, visites teatralizaes, conferencies o charles.

**LLINGUA:** van aceptase proyectos d'actividá en castellán, asturianu y gallego-asturianu, inglés y francés.

**SEDES:** Les actividaes van desenvolverse mayoritariamente nes sedes de los equipamientos xestionaos pola SPXP, sales de talleres, sales polivalentes, sales d'esposiciones temporales, espacios espositivos ... pero tamién hai la posibilidá de que tenga llugar n'esterior o na cai.

Tolos espacios propuestos van cumplir la lexislación vixente en materia de seguridá, la referida a prevención de riesgos llaborales y les midíes decretaes y vixentes en materia de seguridá y prevención del COVID-19 pa la celebración d'espectáculos.

**NÚMBERU DE PROYECTOS POR PROFESIONAL O ENTIDÁ:** El númberu final de proyectos a contratar va venir determináu pol presupuestu máximu disponible. El máximu de propuestas pa concurrir a esta convocatoria por profesional o entidá ye de trés proyectos.

**MEDIOS TÉCNICOS Y HUMANOS:** Los profesionales o entidaes van aportar los medios técnicos (de los que nun disponga la sede) y humanos que seyan mester pal desenvolvimientu de l'actividá, mesmo que los materiales funxibles en casu de precisalos.

**TEMPORALIDÁ Y FECHES:** Les actividaes van programase dende'l 1 de mayu de 2021.

**DERECHOS D'EXHIBICIÓ:** El profesional o entidá tendrá de cuntar colos derechos de propiedá intelectual pa exhibir o amosar el proyectu que proponga.

## 5.- PRESENTACIÓN DE SOLICITUDES. DOCUMENTACIÓN A PRESENTAR.

Les solicitúes han presentase al traviés de la web <http://panel.asturiesculturaenrede.es>

Documentación a presentar:

- 1º. Impresu de solicitú, proyectu cultural y presupuestu nel formatu recoyíu nel ANEXU I.
- 2º. Declaración responsable conforme al modelu establecíu nel ANEXU II.
- 3º. Currículum del profesional o la entidá que presenta'l proyectu.
- 4º. Descripción pormenorizada de las necesidaes técniques (non aportaes pola entidá que concurre a la convocatoria).
- 5º. Fotografía/es ilustrativa/es del proyectu.
- 6º. Enllaz a videu si s'estima oportuno.

## 6.- PRESENTACIÓN DE SOLICITÚES. LLUGAR Y FORMA DE PRESENTACIÓN.

La solicitú, xunto cola documentación riquida, ha presentase al traviés del rexistru creáu al efectu accesible a través de la URL <http://panel.asturiesculturaenrede.es>.

El solicitante ha rexistrase como nuevu usuariu, si entá nun ta rexistráu, y en validándose (plazu máximu de 24 hores) va poder proceder a presentar la documentación. En presentando la documentación el solicitante va recibir acuse de recibu per corréu electrónicu.

La hora y fecha llímite de presentación de les solicitudes van ser les **14:00 hores del día 5 d'abril del 2021**.

## 7.- VALORACIÓN DE LOS PROYECTOS Y CATALOGACIÓN.

Pa la valoración de los proyectos o propuestes presentaes va constituyise una Comisión de Valoración que va ser l'órganu colexáu encargáu de valorar les solicitúes acordies colos criterios fixaos nes presentes bases.

La Comisión de Valoración va tar integrada por:

- Lourdes Prendes García-Barrosa, Xefa del Área de Xestión d'Espacios de Llaboral Ciudá de la Cultura, en calidá de Presidenta.

- Montserrat Roces Fernández, Xefa del Área de Coordinación d'Equipamientos de la SPXP, que va actuar como Secretaria de la Comisión, con voz y votu.
- Jacob Colloto Montero, Coordinador Cultural del Serviciu de Promoción Cultural, Archivos, Museos y Biblioteques de la Dirección Xeneral de Cultura y Patrimoniu del Principáu d'Asturies, en calidá de vocal.
- Juncal García Velasco, Xefa del Serviciu de Planificación y Conocimientu de la llingua asturiana de la Dirección Xeneral de Política Llingüística del Principáu d'Asturies, en calidá de vocal.
- Isabel González Fernández, documentalista del Centru de Documentación del Institutu Asturianu de la Muyer, en calidá de vocal.
- Marta Molleda Muñoz en representación de dos de les entidaes nes que ta previsto acoyer les actividaes, en calidá de vocal.
- Elena Molina Barra en representación de dos de les entidaes nes que ta previsto acoyer les actividaes, en calidá de vocal.
- Borja Ibaseta Garrido, coordinador d'actividaes del Centru Niemeyer, en calidá de vocal

La Comisión de Valoración va tar válidamente constituyida cuando s'atopen presentes más de la metá de los sos integrantes con derechu a votu. Los sos alcuerdos van adoptase por mayoría simple de los sos miembros. En casu d'empate, va corresponder a la Presidenta dirimir col so votu el resultáu de la votación.

La Comisión va poder solicitar de los interesaos cuantes aclaraciones, información o documentación complementaria necesaria pa la correcta valoración de los proyectos.

La resolución va tener llugar, y va comunicase a los interesaos, enantes del 1 de mayu de 2021 y va publicase na web de Asturias Cultura en Rede: [asturiesculturaenrede.es](http://asturiesculturaenrede.es)

**Criterios de valoración.** La Comisión de Valoración va poder proponer la exclusión d'aquelles solicitúes que nun cumplan colos requisitos de participación y va calificar les propuestes de representación presentaes como “Escoyíu” o “Non escoyíu”, valorando la so adecuación a los siguientes criterios:

### **1. Interés cultural, científicu y/o artísticu del proyectu.**

Van valorase la calidá, orixinalidá, calter novedosu y repercusión pública del proyectu y la busca de variedá de públicos.

Va tenese en consideración el grau d'elaboración, detalle y concreción de la propuesta, mesmo que la so proyección.

### **2. Trayectoria, esperiencia y formación de los artistes y profesionales.**

Va valorase la esperiencia y trayectoria de los profesionales y entidaes nel desarrollu d'actividaes didáctiques y lúdiques n'equipamientos culturales, asina como la so formación en disciplinas relacionadas col oxetu del proyectu.

### **3. Viabilidá téunica, económica y rigor presupuestariu.**

Va ser oxetu de valoración l'adecuación del presupuestu al númeru de profesionales involucraos y los medios técnicos que s'aporten.

#### **4. Capacidá d'adaptación de los proyectos a versión online,**

Va tenese en cuenta la capacidá d'adaptación de los proyectos presentaos a versión online, en casu de que les actividaes nun puedan llevase a cabu de manera presencial con motivu del Covid19 o de situaciones extraordinaries asemeyaes.

Va tenese especial consideración con aquellos propuestes que:

- Fomenten la igualdá y la diversidá por aciu la participación equilibrada d'homes y muyer, que promuevan una mayor visibilidá de la muyer, que propongan la construcción de personaxes y discursos dende la identidá de xéneru o que tean impulsaos por muyer.
- Espubliquen l'usu del asturianu o'l gallegu asturianu yá seya por aciu el so usu nos documentos de solicitú, los soportes d'espardimientu o nel desenvolvimientu del propiu proyectu, teniendo en cuenta la corrección llingüística y el so calter normalizador.

Una vegada valoraos tolos proyectos, la Comisión de Valoración va emitir un informe indicando qué proyectos considera “Escoyíos” y “Non Escoyíos”.

#### **8.-ELLABORACIÓN DE LA CARTERA D'ACTIVIDADES**

Colos proyectos escoyíos la SPXP va ellaborar un llistáu que se va utilizar como base na programación d'actividaes especiales nos equipamientos que xestiona y n'otres posibles acciones que pueda programar en distintos conceyos del Principáu d'Asturies.

Pa poder formar parte d'esta cartera d'actividaes los proyectos han ser consideraos como aptos.

#### **9.- DOCUMENTACIÓN A PRESENTAR POLOS PROYECTOS ESCOYÍOS.**

Los proyectos escoyíos han presentar nel plazu riquíu la siguiente documentación:

- Documentos qu'acrediten la personalidá del solicitante. Si'l solicitante fuera persona xurídica va acreditar por aciu la presentación de la escritura de constitución o cambéu, nel so casu, debidamente inscrita nel Rexistru Mercantil cuando esti requisitu seya esixible según la llexislación mercantil aplicable. Si dichu requisitu nun fuera esixible, la capacidá d'obrar va realizase por aciu la escritura o documentu de constitución, estatutos o acta fundacional, nel que consten les normes poles que se regula la so actividá, inscritos, nel so casu, nel correspondiente Rexistru Oficial. Pa los empresarios individuales y les persones físiques va ser obligatoria la presentación de la fotocopia llexitimada notarialmente o compulsada del DNI o documentu que, nel so casu, lu sustituya reglamentariamente.
- Documentos qu'acrediten, nel so casu, la representación. Los que comparezan o firmen ufiertes en nome d'otru van presentar Documentu Nacional d'Identidá y poder. Dichu poder tendrá de figurar inscitu nel Rexistru Mercantil o, nel so casu, nel correspondiente Rexistru Oficial. Si se trata d'un poder pa actu concretu nun ye necesaria la inscripción nel Rexistru Mercantil, acordies con l'artículu 94.5 del Reglamentu del Rexistru Mercantil.
- Acreditación de tar al corriente d'obligaciones tributaries y cola Seguridá Social:
- Impuestu sobre Actividaes Económiques: Alta nun epígrafe rellacionáu al envís de la convocatoria referida al exerciciu corriente, o últimu recibu, xunto con una declaración de nun se tener dao de baxa na matrícula del citáu impuestu, o bien certificáu de situación al respective de dichu impuestu emitíu pola Axencia Tributaria.
- Certificación positiva acreditativa de tar al corriente de les obligaciones tributaries col Estáu expedida pola Axencia Estatal de l'Alministración Tributaria.
- Certificación positiva del Ente Públicu de Servicios Tributarios del Principáu d'Asturies acreditativa de tar al corriente de les obligaciones tributaries col Principáu d'Asturies.
- Certificación positiva de tar al corriente de les obligaciones cola Seguridá Social espedida pola Tesorería Xeneral de la Seguridá Social.

#### **NOTA ACLARATORIA:**

Van tar quitos de presentar l'impuestu d'actividaes económicques aquellos proyectos seleccionaos que s'alcuentren nel supuestu d'exención del impuestu sobre'l valor añadiú que s'establez nel artículu 20. Uno. 26º de la LLEI 37/1992, de 28 d'avientu, del Impuestu sobre'l Valor Añadiú: “Los servicios profesionales, inclusive aquellos nos que la contraprestación consista en derechos d'autor, prestaos por artistes plásticos, escritores, collaboradores lliterarios, gráficos y fotográficos de periódicos y revistes, compositores musicales, autores d'obres teatrales y d'argumentu, adaptación, guión y diálogos de les obres audiovisuales, traductores y adaptadores”.

Les solicitúes que, siendo propuestas pa realizar el so proyectu, nun acrediten dientro del plazu establecíu'l cumplimientu de les obligaciones riquies o nun presenten la documentación en plazu, van poder ser refugaes.



## 10.- FORMALIZACIÓN DE LOS CONTRATOS.

N'acreditándose los requisitos de participación formalizaránse los correspondientes contratos. El plazu pa la formalización d'estos contratos va depender de la fecha de realización de l'actividá, debiendo siempre formalizase polo menos 7 díes enantes de la fecha en que va tener llugar dicha actividá. El trescursu d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y la esclusión del so proyectu del catálogu.

## 11.- OBLIGACIONES DE LES ENTIDADES ESCOYÍES.

En casu de resultar escoyida la so propuesta, los grupos profesionales comprométense a:

- Llevar a cabu'l proyectu nes feches, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del eventu.
- Espublizar al traviés de los sos medios información sobre l'actividá (web, redes sociales, mailing, etc.) y collaborar cola SPXP na atención a los medios de comunicación en casu de que seya mester.
- Aceptar l'usu del nome de del profesional, asociación y/o empresa p'acciones promocionales o de comunicación del proyectu.
- Presentar el protocolu y plan de continxencia de la empresa, grupu o banda pa la prevención COVID-19.
- Presentar la documentación que resulte d'aplicación según la lexislación vixente en materia de seguridá llaboral y prevención de riesgos llaborales.

## 12. - ACEPTACION DE LAS BASES

La presentación d'un proyectu a esta convocatoria supón l'aceptación automática y completa a las presentes bases.

**ANEXO I:**

DATOS FISCALES Y CONTACTU	
Datos fiscales y de facturación (Nome fiscal, dirección postal y CIF)	
Datos de contactu (nome, teléfonu, corréu electrónicu y redes sociales)	

DATOS DEL PROYECTU	
Denominación del Proyeutu	
Temática/Disciplina	
Tipu d'actividá ( <i>taller, cuenta cuentos, visita....</i> )	
Sinopsis del proyeutu (800 palabres)	
Autoría	
Llingua	
Espaciu preferente d'exhibición (Sala polivalente cubierta, sala de talleres, xardinos o calle)	
RRHH involucrados en proyeutu (Número y perfiles) <i>Diferenciar ente n<sup>u</sup> d'homes y n<sup>u</sup> de muyeres</i>	
Públicu objetivu (adultu, familiar, xuvenil o infantil (nesti últimu casu indicar rangu d'edá recomendáu)	
Aforu máximu recomendáu	
Duración de l'actividá	
Proyeutu adaptable a formatu online (SI/NON)	

DATOS ECONÓMICOS IMPUESTOS NON INCLUYÍOS	
Presupuestu por eventuu	€
Presupuestu pa dos eventos en sedes distintes (importe unitariu).	€
Presupuestu dende'l tercer eventuu en sedes distintes (importe unitariu)	€

incluir presupuestu diferenciando en casu de que varie en función de si l'actividá se desenvuelve nos conceyos de la zona central, oriental o occidental.

OTROS	
Información adicional / Observaciones	

## ANEXO II

### DECLARACIÓN RESPONSABLE

D./D<sup>a</sup>. .....con NIF n<sup>u</sup>.....

En nome propiu

En representación de la empresa .....con NIF  
n<sup>u</sup> .....en calidá de .....

En relación con la solicitú de participación na convocatoria pa la selecció de propuestas pa la ellaboración d'un catálogu d'actividaes didáctiques y lúdiques y la so posterior programación n'equipamientos culturales y deportivos del Principáu d'Asturias **DECLARA BAXO LA SO RESPONSABILIDÁ** que:

1.- S'alcuentra en situación d'alta nel Impuestu d'Actividaes Económiques (IAE), baxo l'epígrafe \_\_\_\_\_ correspondiente a \_\_\_\_\_.

2.- Nun ta incursu nes prohibiciones pa contratar previstes nel artículu 71 de la Llei 9/2017, de 8 de payares, de Contratos del Sector Públicu y tópose al corriente del cumplimientu de les obligaciones tributaries col Estáu y cola Comunidá Autónoma del Principáu d'Asturies y de les obligaciones cola Seguridá Social, impuestos poles disposiciones vixentes.

3.- Ostenta la titularidá de los derechos d'esplotación del proyectu cultural que presenta a la convocatoria

Y pa qu'asina conste y surta los sos efectos énte la Sociedá Pública de Xestión y Promoción Turística y Cultural del Principáu d'Asturies, SAU, firma la presente solicitú y declaración responsable

En \_\_\_\_\_ a \_\_\_\_ de \_\_\_\_\_ de 2021

Fdo. \_\_\_\_\_

*(firma del solicitante o representante llegal)*